

sundirheit nach gewonheit des dorffis unnd wie sichs geburt, empfaen und uffnemen, doch also, das er von den bieguttern undir der statt sulchs uffnemens keinerleie an teilschillingin, vorfange, nach abezoge vorpflicht sulle sien zu thun, denn alleyne siene zinße, unnd was em vor aldirds dovon gburth habe zu thun unnd zu pflegin. Item und
 5 wedirumb ab sichs begeben, das sich eyner, der undir der statt hawßbesessin were, is were mit vorsterbin, vorwechßelunge adir in koufsweiße, wie das zuqueme, vorandirte, der denn auch beileginde guttir unnd stugke, woran die weren, undir dem clostir legin hette, sal er von iczlicher herschaft siene gutter insunderheit nach gwonheit des dorffis und wie sichs gburth, empfann und uffnemen, doch also, das er von den bieguttern undir
 10 dem clostir sulchs uffnemens keynerleie an teilschillingin, vorfange, nach abezoge vorpflicht sulle sien zu thun, denn alleyne siene zinße, unnd was en vor aldirds dovon gburth habe zu thun unnd zu pflegin. Item auch sal eyne iczliche herschaft die sienen, die undir em gesessen sien, wu sie bruchfellig wurdin, in adir vor den gerichtin des dorffis alleyne mechtig sien zu straffin unnd dem andern teil der herschafft nichtis vorburth sien,
 15 abetrug zu thun, noch zu begern^{b)} sien vorpflicht. Item auch wu eyne gemeine lantstewer adir konigelt wurde angelegit, sal eyn iczlich herschaft von sienen hawßbesessin die nemen, von den biestugken keinerley zu furdern, wes das anlangind wurde. Sulchir entscheid ist mit fulbort unnd wissin des erwirdigin in got vatriss unnd herren Anthonio aptiss die zeit zur Zellen durch teidingislute, der irbarn unnd ersamen Friderich von
 20 Bulbritz zu Pigkow, Nickel von Metzrade zur Grenicz unnd Peter von Haugwicz zu Gawssig gesessin eyne, unnd Lorinz Oppler, Bartil Guttaw und Symon Fuchsloch die zeit statschreiber des andern teils gescheen. Actum anno domini lxxxvi^{to}.

160.

*Der Rath zu Kamenz gestattet zunächst auf drei Jahr den Brüdern St. Jacobi eine Bruderschaft
 25 aufzurichten.* 1487 März 16.

Hdschr.: Kamener Stadtbuch 3,37^b.

Sente Jacuffs bruderschaft.

Item am freitage nach reminiscere anno quo supra sint vor den rath komen die brudir sancti Jacobi, den rat irlangit, en zu vergonnen, die bruderschaft uffzurichten gote
 30 zu loube unnd dem heilgin sancti Jacobi. Hat en der rat uff drey jare zugegebin, so sie irkennen, das sie die ordinlichin, den forigen gozhewßern ane schadin, haldin unnd uffrichtin, dornach sal das zu des ratis thun unnd lassin, wie sie is wullin dormitte habin, stehn, zu bestellin adir abezuthun.

160. b) legren.